

Na osnovu člana 13. Zakona o principima lokalne samouprave («Službene novine Federacije BiH», broj 49/06), člana 19. stav 1. tačka 17. i člana 157. Statuta Općine Novo Sarajevo («Službene novine Kantona Sarajevo», broj 35/10), Općinsko vijeće Novo Sarajevo, na 37. sjednici od 29.2.2012. godine, donijelo je s l i j e d e ć u

ODLUKU

o utvrđivanju Javnih priznanja Općine Novo Sarajevo

Član 1.

Utvrđuju se Javna priznanja Općine Novo Sarajevo koja se dodjeljuju za rezultate postignute u svim oblastima privrednih i društvenih djelatnosti (u daljem tekstu: priznanja).

Član 2.

Javna priznanja Općine Novo Sarajevo su:

- 1. “Zlatna plaketa” i*
- 2. “Srebrna plaketa” .*

Godišnje se može dodijeliti najviše jedna (1) Zlatna i jedna (1) Srebrna plaketa.

Član 3.

Formu i dizajn plaketa Općine Novo Sarajevo utvrdit će Komisija za odnose sa mjesnim zajednicama i javna priznanja na osnovu raspisanog Javnog poziva (u daljem tekstu: Komisija).

Član 4.

Plakete se dodjeljuju kolektivima i pojedincima.

Priznanja se mogu dodjeljivati i posthumno.

Član 5.

Priznanja se dodjeljuju jednom godišnje i to na Dan Općine 16. maja, a odnose se na rezultate postignute u prethodnoj godini.

Član 6.

Komisija je dužna najkasnije do 1. marta tekuće godine, u sredstvima informisanja objaviti Javni poziv za predlaganje kandidata za dodjelu Javnih priznanja, kriterije za dodjelu sa naznakom roka do kada se mogu podnositi prijedlozi o dodjeljivanju priznanja.

Član 7.

Pravo predlaganja kandidata imaju:

Privredna društva, mjesne zajednice, udruženja građana i druge institucije na području društvene, privredne, kulturne, sportske i druge aktivnosti od značaja za Općinu.

Subjekti iz stava 1. ovog člana nemaju pravo isticanja sopstvene kandidature za priznanje, kao ni kandidature osoba koje su članovi tog subjekta ili obavljaju djelatnost tog subjekta.

Pravo predlaganja kandidata za Priznanje ima i načelnik/ca.

Rok za podnošenje prijedloga Komisiji je 1. april tekuće godine.

Obrazloženi pismeni prijedlozi dostavljaju se u pismenoj formi Komisiji za odnose sa mjesnim zajednicama i javna priznanja Općinskog vijeća Novo Sarajevo, a sadrže slijedeće:

- Ime, prezime i adresu kandidata, odnosno naziv privrednog društva, ustanove, institucije, udruženja građana, mjesne zajednice ili drugih pravnih subjekata,*
- vrstu priznanja za koje se predlaže kandidat,*
- obrazloženje prijedloga u obimu primjerenom priznanju za koje se predlaže, te iscrpno obrazloženje zasluga zbog kojih se predlaže za dodjelu priznanja,*
- raspoloživu dokumentaciju kojom se potvrđuju navodi iz obrazloženja (kopija) rješenja o registraciji, radni odnos, djelo i eventualne zasluge za koje se kandidat predlaže, kao i dosadašnja priznanja, nagrade i odlikovanja,*
- skraćen izvod iz zapisnika sa sjednice na kojoj je usvojen prijedlog kandidata za dodjelu priznanja.*

Neblagovremeni prijedlozi, kao i prijedlozi sa nepotpunim obrazloženjem, neće se uzeti u razmatranje.

Član 8.

Prijedlog za priznanja utvrđuje Komisija na osnovu Pravilnika o kriterijima i mjerilima za dodjelu Javnih priznanja Općine Novo Sarajevo.

Član 9.

Na osnovu prijava po Javnom pozivu i čl. 5. i 6. ove Odluke, prijedlog za dodjelu priznanja utvrđuje Komisija.

Član 10.

Odluku o dodijeljenim priznanjima donosi Općinsko vijeće, na prijedlog Komisije.

Odluku iz prethodnog stava ovog člana objavljuje predsjedavajući Općinskog vijeća, na svečanoj sjednici Vijeća.

Član 11.

Stručne i administrativne poslove o radu Komisije, kao i vođenje evidencije o dodijeljenim priznanjima vrši Stručna služba za poslove Općinskog vijeća.

Član 12.

Stupanjem na snagu ove Odluke prestaje da važi Odluka o utvrđivanju priznanja Općine Novo Sarajevo - prečišćeni tekst ("Službene novine Kantona Sarajevo", broj 6/01).

Član 13.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

*Broj: 01-05-158/12
Sarajevo ,29.02.2012.godine*

PREDSJEDAVAJUĆI
Općinskog vijeća Novo Sarajevo
Nebojša Simić